

## ԵՊՀ-ում տեղի կունենա Հայագիտական հետազոտությունների ինստիտուտի թեմատիկ կայքերի շնորհանդեսը

| Տպել |

Չորեքշաբթի, 17 Ապրիլ 2013 19:33

alt



Ապրիլի 18-ին ԵՊՀ գիտխորհրդի նիստերի դահլիճում տեղի կունենա ԵՊՀ հայագիտական հետազոտությունների ինստիտուտի թեմատիկ կայքերի շնորհանդեսը։ Ինչպէս հայտնում են ԵՊՀ հասարակայնության հետ կապերի բաժնից, կայանալիք միջոցառմանը բացման խոսքով հանդես կգա ԵՊՀ ռեկտոր, Հայագիտական հետազոտությունների ինստիտուտի տնօրեն Արամ Սիմոնյանը, կայքերը կներկայացնի ԵՊՀ Հայագիտական հետազոտությունների ինստիտուտի փոխտնօրեն Մհեր Հովհաննիսյանը։ Վերջինս հանդիսանում է վերոնշյալ կայքերի հեղինակը։ Կներկայացվեն գործող կայքերի տեխնիկական բնութագրերը, հայագիտության համացանցում ներկայացվածության և անվտանգության ապահովման հիմնախնդիրները, ինստիտուտի՝ այդ ուղղությամբ կատարվող քայլերը։

2012թ.-ին նախագծվել և համացանցային կիրառման են ներկայացվել ինստիտուտի թվով 7 թեմատիկ կայքերը Հայոց ցեղասպանության, հայոց պատմության, հնագիտության, հայոց լեզվի, մշակույթի, կրոնի, սփյուռքի վերաբերյալ։ Կայքերում կարելի է գտնել, դիտել և անվճար ներքենել հայագիտական համապատասխան թեմատիկ ուղղություններին առնչվող ոչ միայն դասական ու հայտնի գիտական աշխատանքներ, այլ նաև նոր հրապարակումներ, փաստաթոթեր, քարտեզներ, լուսանկարներ ու տեսանյութեր։

ԵՊՀ հայագիտական հետազոտությունների ինստիտուտն ([armin.am](#)) իրականացնում է հայագիտական ուղղվածության հետազոտություններ, հրատարակում ուսումնասիրություններ, իրականացնում պրոֆեսիոնալ թվայնացում և համացանցային պաշարներում հիշյալ նյութերի ներկայացվածության ապահովում։ Կատարված աշխատանքը շարունակար ներկայացվում է ինստիտուտի պաշտոնական կայքում, այդ թվում նոր կայքերում, որոնցում արդեն առկա

Են շուրջ 366 գրքեր, 1000 հանրագիտարանային գիտահանրամատչելի հոդվածներ, 168 գիտական հոդվածներ, շուրջ 340 քարտեզներ, 110 արխիվային փաստաթղթեր, պատմական տարաբնույթ լուսանկարներ: ԵՊՀ հայագիտական հետազոտությունների ինստիտուտը համագործակցում է ինչպես առանձին հայագետների, այնպես էլ հայագիտական գիտահետազոտական այլ կենտրոնների և ինստիտուտների հետ:

ԵՊՀ հայագիտական հետազոտությունների ինստիտուտը հիմնադրվել է 2008թ.-ին: Այն ունի թվով 8 ստորաբաժանում՝ «Հնագիտական հետազոտությունների լաբորատորիա», «Ցեղասպանագիտության բաժին», «Հայ-օսմանական առնչությունների բաժին», «Աղբեջանագիտության հայկական կենտրոն», «Վրացագիտության հայկական կենտրոն», «Աղբյուրագիտական լաբորատորիա», «Վիրտուալ հայագիտության և տեղեկատվության բաժին», «Հայաստանի պատմական աշխարհագրության և քարտեզագրության լաբորատորիա»: